


十六國疆域志

一




十六國疆域志

二




十六國疆域志

三




十六國疆域志

四



十六國疆域志

五



十六國春秋卷一

十六國疆域志

(一)

洪亮吉撰

十六國疆域志

(二)

洪亮吉撰

十六國疆域志

(三)

洪亮吉撰

十六國疆域志

(四)

洪亮吉撰

十六國疆域志

(五)

洪亮吉撰

中華民國二十五年十二月初版

平

撰 者 洪 亮 吉

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

王 雲 五 主 編
叢 書 集 成 初 編
十 六 國 疆 域 志
五 冊

（本書校對者 董雲鑑 沈抱秋 王永榜 謝雨東 王 模）

榮

本館據史學叢書
本排印初編各叢
書僅有此本

十六國疆域志卷一

陽湖洪亮吉撰

十六國疆域志。固與東晉疆域相輔而行者也。然志十六國之難。則更難于東晉。何則。其竊據之久者。不過數十年。少則止十數年。劉曜續開之州郡。既迥異于淵聰。石虎晚定之山河。又大逾于襄國。甚者姚萇以馬牧起事。故崇鎮堡之勢。以敵方州。赫連以統萬建基。故芟郡縣之名。盡歸城主。後先錯出。彼此互殊。縱欲指陳。殊難畫一。一也。近時崔鴻十六國春秋。既係明人所輯。不足據憑。惟太平御覽中所錄。及諸輿地圖經所引。尙屬當日舊書。而簡略特甚。十止二三。晉書載記。又非詳核。是依據者少。二也。當時霸史之見于隋唐經籍志者。有常璩漢之書十卷。舊唐書作李書九卷田融趙書十卷。舊唐書作趙石記二十卷王度二石傳二卷。舊唐書作二石記二十卷又二石僞事二卷。舊唐書作六卷范亨燕書二十卷。張詮南燕錄五卷。王景暉南燕錄六卷。遊覽先生南燕書七卷。高閭燕志十卷。何冲熙秦書八卷。席惠明秦記十一卷。姚和都秦紀十卷。張諮涼記八卷。舊唐書作十卷劉景涼書十卷。史喻歸西河記二卷。舊唐書作段龜龍誤段龜龍涼記十卷。高道讓涼書十卷。沮渠國史涼書十卷。無名氏拓跋涼錄十卷。劉景敦煌煌實錄十卷。和苞漢趙記十卷。吐谷渾記二卷。翟遼書二卷。諸國略記二卷。永嘉後纂年紀二卷。段業傳一卷。南宋時已漸次散失。是可搜采者盡亡。三也。卽有附見于晉

宋諸書紀傳中者。與載記又多不合。如晉書列女傳。王廣仕劉聰爲西揚州刺史。而前趙錄等不載有此。州桑虞傳。石虎青州刺史劉徽。請虞爲長史。帶祝阿郡。而後趙錄等又不載有此郡。四也。又或名號則彼此分建。方隅則叛服不常。長子屬建興之郡。名乃肇于西燕。赫連築骨律之城。土早歸于後魏。豫州則石趙東晉共治一城。壽春則江左苻秦各分要地。五也。復有逞其胸臆。則務廣虛名。核彼輿圖。則多非事實。如石氏建揚州之號。僅得一城。前燕標荆土之名。惟餘數縣。夏宋誓書。指恆山爲界。既涉張皇。慕容郡冊。援唐國爲稱。亦慙假借。六也。甚有指南爲北。革舊標新。赫連也以陝地爲荊州。乞伏也以湟川爲益土。琅邪之國。強號幽燕。朔代之區。忽標齊服。近而易混。驟每不詳。七也。又王彌。曹嶷。段匹磾。慕容永。翟遼。段業等。皆建有國都。跨連郡縣。雖不別爲作志。亦例得附書。若非舉要而削繁。又慮喧賓而奪主。八也。又兗。豫。青。徐之境。空地常多。既不隸于諸方。又不歸于江左。若此者。其郡縣之空名。每以戰爭而附見。列爲實土。已無戶口之可稽。目以僑邦。則又山川之未改。此則去留不可。位置尤難。九也。卽云魏收。酈元。李吉甫。樂史等諸人所述。可以取材矣。而靈昌立渡。各異其方。梁馬名臺。互殊其號。魏該一合之塢。與晉傳而先殊。石家太武之堂。在襄國而疑誤。十也。乙巳歲。客開封節樓。燕居多暇。因雜取諸書輯成之。距東晉疆域之成。不逾二稔。其附書山川宮閣。一如東晉志之例。他若田融。段龜龍等。書之僅存者。並一一錄入之。非廣異聞。亦所以存故事也。時中秋後五日。是爲序。越十四年戊午仲春。乃刊之于京邸云爾。

前趙

劉淵

雍州晉書地理志鎮平陽

幽州晉書地理志鎮離石太平御覽稱崔鴻十六國春秋前趙錄嘉平元年聰以石勒爲幽州牧麟嘉三年以勒領幽冀二州牧

案是志所引十六國春秋皆據太平御覽及諸輿地圖經唐宋類書諸編採入若明人所輯崔鴻十六國春秋大字本恐不足據依

概置不錄焉

冀州前趙錄淵以劉雲爲冀州刺史屯廣宗

青州前趙錄元熙四年淵拜王彌爲青州牧王彌表左長史曹嶷行安東將軍東徇青州

劉聰

司隸校尉部晉書地理志劉淵以雍州刺史鎮平陽及劉聰攻陷洛陽置左右司隸各領戶二十餘萬萬戶置一內史凡內史四十三人前趙錄麟嘉元年六月河東大蝗平陽雍冀尤甚司隸部人奔於冀州者二十萬戶載記趙固郭默攻聰河東至於絳邑右司隸部人盜牧馬負妻子奔之者三萬餘人

雍州前趙錄嘉平二年聰雍州刺史趙固麟嘉三年以曜領雍州牧

豫州前趙錄嘉平二年聰豫州刺史王桑

荊州晉書地理志永嘉之後司州淪沒劉聰聰以洛陽爲荊州案晉地志司州統郡十二淵以平陽爲雍州聰復以洛陽爲荊州聰又分置左右司隸部則左司隸蓋部司州平陽諸郡右司隸蓋部荊州河南諸郡也前趙錄嘉平二年聰以趙固爲荊州刺史領河南太守鎮洛陽殷州晉書地理志聰又置殷衛東梁西河陽北兗五州水經注河內懷縣有殷城圖經在今武涉縣東南昔劉曜以郭默爲殷州刺史督緣河諸軍事治此樂史太平寰宇記獲嘉縣西晉曾立爲殷州案此西晉卽指劉聰時

衛州案聰所置衛州當在朝歌縣

東梁州圖經稱前趙錄嘉平元年聰以彭天護爲梁州刺史

西河陽州案晉書列女傳王廣仕劉聰爲西陽州刺史前趙錄同惟劉聰作劉淵誤西陽州疑卽西河陽或地志及列女傳有一誤也

北兗州

并州前趙錄嘉平元年聰以石勒督并幽二州諸軍事領并州刺史又載記聰以劉豐爲并州刺史鎮晉陽